



22. Januar 2024

UPA 2024/116

Inatsisartut suleriaasianni §33 naapertorlugu aaliagiiffigisaasatut siunnersuut imaattoq matumuuna saqqummiuppara:

**Kommunitoqqat uterfigeqqissagutsigit allaffissornikkut aningaasartuutit qanoq allangussanersut pillugit Naalakkersuisut nalunaarusioqqullugit Inatsisartut aalajangiiffigisassaattut siunnersuut. Nalunaarusiaq UPA2025-mut Inatsisartunut agguanneqassaaq.**

(Inatsisartunut ilaasortaq Aqqalu C Jerimiassen, Atassut)

### **Tungavilersuut**

Sumiiffiit assigiinneqaat, ilami inoqarfiit kujallersaat Ilimanaq taavalu avannarlersaat Siorapaluk qiviaannariaraanni, 1135km-init ungasissuseqarput.

Tassa imannak assersuusiortoqarsinnaavoq nunanut allanut saatissagaanni, Københavnimiit Ruslandimi Sankt Petersburgimut, qanoq ungasitsigerpalinneri taamaalillugu takorluuinnaarsinnaarpasippoq. Imaluunniit sulit takorlooruminarnerusumik, Nanortalimmiit Saqqamut.

Eqiterussilluni kommunit kattussuuneqarsimaneri ilumut tulluurtuunersoq arlaleriarluni apeqquserneqartareerpoq. Atassummiillu tamanna tusaanngitsuusaaginnarsinnaajunnaarparput iliuuseqarfigineqarsinnaaneralu piffissanngorsoralugu.

Kattussuusseqqaarnermi immaqa takorluungaasimassangaluarpoq innuttaasut akornngiminni ataqatigiinnerulissasut, naameqqinnaarli, immaqa aatsaat taamak inuiaqatigiittut akornngatsinni avissaaqqatigaagut, sumiiffiluarnerrillu ajoraluartumik piulersimallutik.

Oqartussaaqataaneq katakkiartulersimasutut ilaatigut taaneqartarpoq ullutsinni, innuttaasut sumiiffiminni qinikkanut maqaasipput, innuttaasut qinikkaminnik qanimut naapitaqarsinnaarusupput.

Neriulluta siunertaq taparserneqarumaartoq, Atassummiit taamatut siunnersuuteqarluta inatsisartut oqallilluarnissaannik kissaappagut.

**Aningaasatigut ingerlatsinikkullu pisortanut kingunerisassai:**



Nalunaarusiamik suliaqartoqarnissaanut allaffissornikkut aningaasartuutissat AC-Fuldmægtigep ukiup ataatsip nalinganik sulineranik, tassa 500.000kr.-mik naleqarnissaa naatsorsuutigineqarpoq.

**Namminersortunut aningaasarsiornikkut allaffissornikkullu kingunerisassai:**

Soqanngilaq.

**Innuttaasunut aningaasarsiornikkut allaffissornikkullu kingunerisassai:**

Soqanngilaq.